



謝眺集卷第三

雜詩五言

將發石頭上烽火樓

徘徊戀京邑躑躅纒曾阿陵高墀闕近眺迴風雲多荆吳
阻山岫江海含瀾波歸飛無羽翼其如離別何

荅王世子

飛雪天山來飄聚繩櫺外蒼雲暗九重北風吹萬籟有酒
招親朋思與清顏會熊席惟爾安羔裘豈吾帶公子不垂
堂誰肯憐蕭艾

荅張齊興

荆山從百里漢廣流無極北馳星斗正南望朝雲色川隰

同幽快冠冕異今昔子肅兩岐功我滯三冬職誰知京洛
念彷彿昆山側向夕登城濠潛池隱復直地迴聞遙蟬天
長望歸翼清文忽景麗思泉紛寶飾勿言脩路阻勉子康
衢力曾厓寂且寥歸軫逝言陟

酬王晉安

稍稍枝早動塗塗露晚晞南中榮橘柚寧知鴻鴈飛拂霧
朝青閣日旰坐彤闈悵望一途阻參差百慮依春草秋更
綠公子未西歸誰能久京洛緇塵染素衣

暫使下都夜發新林至京邑贈西府同寮

大江流日夜客心悲未央徒念關山近終知返路長秋河
曙耿耿寒渚夜蒼蒼引領見京室宮雉正相望金波麗鳩

鵲玉繩低建章驅車鼎門外思見昭丘陽馳暉不可接何
況隔兩鄉風雲有鳥路江漢限無梁常恐鷹隼擊時菊委
嚴霜寄言尉羅者寥廓已高翔

始出尚書省

惟昔逢休明十載朝雲陛旣通金閨籍復酌瓊筵醴宸景
厭昭臨昏風淪繼體紛虹亂朝日濁河穢清濟防口猶寬
政餐荼更如薺英充暢人謀文明固天啓青精翼紫軼黃
旗映朱邸還覩司隸章復見東都禮中區咸已泰輕生諒
昭灑趨事辭宮闕載筆陪旌祭邑里向踈蕪寒流自清泚
衰柳向沉沉凝露方泥泥零落悲友朋歡娛燕兄弟旣秉
丹石心寧流素絲涕因此得蕭散垂竿深澗底

直中書省

紫殿肅陰陰彤庭赫弘敞風動萬年枝日華承露掌玲瓏
結綺錢深沉映朱網紅藥當堦翻蒼苔依砌上茲言翔鳳
池鳴珮多清響信美非吾室中園思偃仰朋情以鬱陶春
物方駘蕩安得凌風翰聊咨山泉賞

觀朝雨

朔風吹飛雨蕭條江上來旣灑百常觀復集九成臺空濛
如薄霧散漫似輕埃平明振衣坐重門猶未開耳目暫無
擾懷古信悠哉戢翼希驤首乘流畏曝鰓動息無燕遂岐
路多徘徊方同戰勝者去剪北山萊

新亭渚別范零陵雲

洞庭張樂地瀟湘帝子遊雲去蒼梧野水還江漢流停驂
我悵望輟棹子夷猶廣平聽方籍茂陵將見求心事俱已
矣江上徒離憂

之宣城郡出新林浦向板橋

江路西南永歸流東北驚天際識歸舟雲中辯江樹旅思
倦搖搖孤遊昔已屢旣歡懷祿情復協滄洲趣囂塵自茲
隔賞心於此遇雖無玄豹姿終隱南山霧

始之宣城郡

下帷闕章句高談媿名理踈散謝公卿蕭條依掾史簪髮
逢嘉惠教義承君子心迹苦未并憂歡將十祀幸沾雲雨
慶方轡參多士振鷺徒追飛羣龍難隸齒烹鮮止貪競共

治屬廉耻伊余昧損益何用祇千里解劔北宮朝息駕南
川浹寧希廣平詠聊慕華陰市棄置宛洛遊多謝金門裏
招招漾輕楫行行趨巖趾江海雖未從山林於此始

宣城郡內登望

借問下車日匪直望舒圓寒城一以眺平楚正蒼然山積
陵陽阻溪流春穀泉威紆距遙甸巉岳帶遠天切切陰風
暮桑柘起寒煙悵望心已極怊恍魂屢遷結髮倦爲旅平
生早事邊誰規鼎食盛寧要狐白鮮方棄汝南諾言稅遼
東田

冬日晚郡事隙

案牘時閒晚偶坐觀卉木颯颯滿池荷脩脩陰窻竹簷隙

自周流房櫳閒且肅蒼翠望寒山崢嶸瞰平陸已惕慕歸
心復傷千里目風霜旦夕甚蕙草無芬馥云誰美笙簧孰
是厭適軸願言稅逸駕臨潭餌秋菊

後齊迴望

高軒瞰四野臨牖眺襟帶望山白雲裏望水平原外夏木
轉成帷秋荷漸如蓋鞏洛常睠然搖心似懸旆

落日悵望

昧旦多紛喧日晏未遑舍落日餘清陰高枕東窻下寒槐
漸如束秋菊行當把借問此何時涼風懷朔馬已傷慕歸
客復思離居者情嗜幸非多案牘偏爲寡旣乏瑯琊政方
憇洛陽社

望三湖

積水照頰霞高臺望歸翼平原周遠近連汀見紆直歲蕤
向春秀芸黃共秋色薄暮傷哉人嬋媛復何極

遊山

託養因支離乘閒遂疲蹇語默良未尋得喪云誰辯幸蒞
山水都復值清冬緬凌厓必千仞尋谿將萬轉堅嶸旣峻
嶒迴流復宛澶杳杳雲竇深淵淵石溜淺傍眺鬱篔簹還
望森柵梗荒陬被歲莎崩壁帶苔蘚鼯狖叫層巖鷗鳧戲
沙衍觸賞聊自觀卽趣咸已展經目惜所遇前路故方踐
無言蕙草歇留垣芳可搴尚子時未歸邴生思自免永志
昔所欽勝迹今能選寄言賞心客得性良爲善

賽敬亭山廟喜雨

夕悵懷椒糝蠲景潔滌蕘登秋雖未獻望歲佇年祥潭淵
深可厲狹邪車未方蒙龍度絕限出沒見林堂秉玉朝羣
帝樽桂迎東皇排雲接虬蓋蔽日下霓裳會舞紛瑤席安
歌遶鳳梁百味芬綺帳四座沾羽觴福被延民澤樂極思
故鄉登山騁歸望原雨晦茫茫胡寧昧千里解佩拂山莊
祀敬亭山廟

遊敬亭山

翦削兼太華崢嶸跨玄圃貝闕眊阿宮薛帷陰網戶參差
時未來徘徊望澧浦椒糝若馨香無絕傳終古

茲山亘百里合沓與雲齊隱淪旣已託靈異居然棲上千

蔽白日下屬帶迴谿交藤荒且蔓
樛枝聳復低獨鶴方朝
唳饑颯此夜啼滌雲已漫漫
多雨亦淒淒我行雖紆組兼
得尋幽蹊緣源殊未極歸徑
窅如迷要欲追竒趣卽此陵
丹梯皇恩竟已矣茲理庶無
睽

賦貧民田

假遇

一作佳譽

非將迎靖共

一作靜拱

延殊慶中歲歷三臺旬月典

邦政會

一作會

是共治

一作怡

情敢忘卹貧病將無富教禮孰

有知方性敦本抑工商均業省兼并察壤見泉脉覘星視

農正黍稷綠高殂穡

一作稏

稔卽早盛舊埒新塍分青苗白

水映遙柳匝清陰連山周遠淨卽此風雲佳孤觴聊可命

旣微三載道庶藉兩岐詠俾爾倉廩實余從谷口鄭

與江水曹至濱干戲

山中上芳月故人清樽賞遠山翠百重迴流映千文花枝
聚如雪蕪絲散猶網別後能相思何嗟異封壤

送江曹還遠館

高館臨荒途清川帶長陌上有流思人懷舊望歸客塘邊
草雜紅樹際花猶白日暮有重城何由盡離席

送江兵曹檀主簿朱孝廉還上國

方舟泛春渚攜手趨上京安知慕歸客詎憶山中情香風
蘂上發好鳥葉間鳴揮袂送君已獨此夜琴聲

臨溪送別

悵望南浦時徙倚北梁步葉上涼風初日隱輕霞暮荒城

迥易陰秋溪廣難渡沫泣豈徒然君子行多露

將遊湘水尋句溪

既從陵陽釣桂鱗
驂赤螭方尋桂水原
謁帝蒼山垂辰哉
且未會乘景弄清漪
瑟汨瀉長淀潺湲赴
兩岐輕蘋上靡靡
雜石下離離
寒草分花映戲鮪
乘空移輿以暮秋月清
霜落素枝魚鳥余方翫
纓綏君自縻及茲暢懷抱
山川長若斯

忝役湘州與宣城吏民別

弱齡倦簪履薄晚忝華輿
閒沃盡地區山泉諧所好
幸遇昌化穆惇一作淳俗罕驚暴
四時從偃息三省無侵冒
下車遽暄席紆服始黔竈
榮辱未遑敷德禮何由導
汨徂奉南

岳兼秩典邦號疲馬方云驅
鉛刀安可操遺惠良寂寞恩
靈亦匪報桂水日悠悠結言
幸相勞吐納貽爾和窮通勗
所蹈

休沐重還丹陽道中

薄遊第從告思閒願罷歸還
叩歌賦似休汝車騎非灞池
不可別伊川難重違汀葭稍
靡靡江菼復依依田鵠遠相
叫沙鶉忽爭飛雲端楚山見
林表吳岫微試與征徒望鄉
淚盡沾衣賴此盈樽酌含景
望芳菲問我勞何事霑沐仰
清微志狹輕軒冕恩甚戀閨
闈歲華春有酒初服偃郊扉
移病還園示親屬

疲策倦人世歛性就幽蓬
停琴佇涼月滅燭聽歸鴻
涼薰

乘暮晰秋華臨夜空葉低知露密崖斷識雲重折荷茸寒
袂開鏡眇衰容海暮騰清氣河關祕棲冲煙衡時未歇芝
蘭去相從

出下館

麥候始清和涼雨銷炎燠紅蓮搖弱荇丹藤繞新竹物色
盈懷抱方駕娛耳目零落既難留何用存華屋

遊東田

戚戚苦無悰攜手共行樂尋雲陟累榭隨山望菌閣遠樹
暖阡阡生煙紛漠漠魚戲新荷動鳥散餘花落不對芳春
酒還望青山郭

秋夜講解

四緣去誰肇七識習未央沉沉一作淵淵倒營魄苦蔭蹙愁腸
琴瑟徒爛熳姱容空滿堂春顏遽幾日秋壘終茫茫孰云
濟沉溺假願託津梁惠唱摘泉湧妙演發金相空有定無
執賓實固兩忘自來乘首夏及此申暮霜雲物清晨景衣
巾引夕涼風振蕉蓬裂霜下梧楸傷一作露下六龍且無
借三相寧久長何時接靈應及子同舟航

秋夜

秋夜促織鳴南鄰搗衣急思君隔九重夜夜空佇立北窻
輕幔垂西戶月光入何知白露下坐視階前濕誰能長分
居秋盡冬復及

春思

茹溪發春水，叱山起朝日。蘭色望已同，萍際轉如一。巢燕聲上下，黃鳥弄儔匹。邊郊阻遊衍，故人盈契闊。夢寐借假簣，思歸賴倚瑟。幽念漸鬱陶，山楹永爲室。

治宅

結宇夕陰街，荒幽橫九曲。迢遞南川陽，迤邐西山足。闕館臨秋風，敞窻望寒旭。風碎池中荷，霜翦江南菽。旣無東都金，且稅東臯粟。

冬緒羈懷示蕭諮議虞田曹劉江二常侍

去國懷丘園，入遠滯城闕。寒燈耿宵夢，清鏡悲曉髮。風草不留霜，冰池共如月。寂寞此閒帷，琴樽任所對。客念坐嬾媛，年華稍菴蔓。夙慕雲澤遊，共奉荆臺績。一作一聽春鶯

喧再視秋虹，沒疲駿良易返恩。一作思波不可越，誰慕臨淄鼎。常希茂陵渴，依隱幸自從。求心果蕪昧，方軫歸歟願。故山芝未歇。

懷故人

芳洲有杜若，可以贈佳期。望望忽超遠，何由見所思。行行未千里，山川已間之。離居方歲月，故人不在茲。清風動簾夜，孤月照窻時。安得同攜手，酌酒賦新詩。

夜聽妓二首

瓊閨釧響聞，瑤席芳塵滿。要取洛陽人，共命江南管。情多舞態遲，意傾歌弄緩。知君密見親，寸心傳玉椀。

其二

上客光四坐佳麗直千金挂釵報纓絕墮珥苔琴心娥眉
已共笑清香復入襟歡樂夜方靜翠帳垂沉沉

京路夜發

擾擾整夜裝肅肅戒徂兩曉星正寥落晨光復養漭猶沾
餘露團稍見朝霞上故鄉邈已愛山川修且廣文奏方盈
前懷人去心賞救躬每踟躕瞻恩惟震蕩行矣倦路長無
由稅歸鞅

晚登三山還望京邑

灞涘望長安河陽視京縣白日麗飛薨參差皆可見餘霞
散成綺澄江靜如練喧一作鳥覆春洲雜英滿芳甸去矣
方滯滯懷哉罷歡宴佳期悵何許淚下如流霰有情知望

鄉誰能鬢不變

高齋視事

餘雪映青山寒霧開白日曖曖江村見離離海樹出披衣
就清盥憑軒方秉筆列俎歸單味連駕止容膝空爲大國
憂紛詭諒非一安得掃蓬逕鎖吾愁與疾

郡內高齋間望答呂法曹

呂僧珍爲
齊王法曹

結構何迢遞曠望極高深窻中列遠岫庭際俯喬林日出
衆鳥散山暝孤猿吟已有池上酌復此風中琴非君美無
度孰爲勞寸心惠而能好我問以瑤華音若遺金門步見
就玉山岑

謝朓集卷第三終

謝眺集卷第四

雜詩

和蕭中庶直石頭

九河亘積岨三巖鬱旁眺皇州總地德回江欵巖徼并幹
絕蒼林雲薨蔽層嶠川霞旦上薄山光晚餘照翔集亂歸
飛虹蜺紛引曜君子奉神略瞰廻憑重峭彈冠已籍甚升
車益英妙功存漢冊書榮並周庭燎汲疾移偃息董園倚
談笑麾旆一悠悠謙姿光且劭讌嘉多暇日興文起淵調
曰余廁鱗羽滅影從漁釣澤渥資投分逢迎典待詔詠沼
邈含毫專城空坐嘯徒慚皇鑒揆終延曲士諠方追隱淪
訣偶解金丹要若偶巫咸招帝閭良可叫

直石頭

蕭衍附

率土皆王土安知全高尚東龍棄黍稷西遊入卿相屬逢
利建始投分參末將尺一功未施河山賞已諒攝官因時
暇曳裾聊起望鬱盤地勢遠參差百雉壯翠壁絳霄際丹
樓青霞上夕池出濠渚朝雲生疊嶂籠鳥易為恩屠羊無
飾讓泰階端且平海水本無浪小臣何日歸頓轡從閒放
奉和竟陵王同沈右率過劉先生墓

嘉樹因枝條琢玉良可寶若人陵曲臺垂帷茂淵道善誘
宗學原鳴鐘霽幽抱仁焉徂宛洛清徽夜何早歲晚結松
陰平原亂秋草不有至言揚終滯西山老

登山望雷居士精舍同沈右衛過劉先生墓下作序

竟陵王蕭子良

沛國劉子珪學優未一作仕跡邇心遐履信體仁古之遺

德潛舟迅景滅賞淪輝言念芳猷式懷嗟述屬舍弟隨郡
有示來篇彌緝久要之情益深宿草之歎升望西山率爾
為荅雖因事雷生實申悲劉子云爾

漢陵淹館燕晉彌洙風缺五都聲論空三河文義絕典禮
邁前英談玄踰往哲明情日夜深徽音歲時滅垣井總已
平煙雲從容裔爾歎牛山悲我悼驚川逝

經劉瓛墓下

隨郡王蕭子隆

升堂子不謬問道余未窮如何辭白日千載隔音通山門
一已絕長夜緬難終初松切暮鳥新楊摧曉風榛關向蕪

密泉途轉銷空

奉和

虞炎

下帷聞昔儒窺園信且逸聚學叢煙郊棲遁事環葦戢景
謝歸年稅駕空悠日庭露已沾衣松門向蕭瑟憫憫神念
周依依惠言密

又

柳惲奉和

西河寂高業北海望清塵曾徽誰與寄尚德在伊人遺文
重昭晰絕緒復紛綸露華白朝日蘭生無久春芳猷動淵
思撫軾履高辰山風起寒木野雀亂秋榛龍草時易宿素
軌邈難遵

又

沈約奉和

表閭欽逸軌軾墓禮貞魂化途終眇默神理曖猶存塵駕
未輟幌高衡已委門日蕪子雲舍徒望董生園華陰無遺
市楚席有靈樽玄泉倘能慰長夜且勿論

離夜

玉繩隱高樹斜漢耿層臺離堂華燭盡別幌清琴哀翻潮
尚知限客思耿難裁山出不可夢況及一作故人杯

同前

江丞

石泉行可照蘭杜向含風離歌上春日芳思徒以空情遽
曉雲發心在夕河終幽琴一罷調清醕誰復同

同前

王常侍

月沒高樓曉雲起扶桑時燭筵曖無色行住憫相悲當軒

已凝念况乃清江湄懷人忽千里誰緩鬢徂絲

和沈右率諸君餞謝文學

春夜別清樽江潭復為客歎息東流水如何故鄉陌重樹
日芬葢芳洲轉如積望望荆臺下歸夢一作相思夕

餞謝文學

沈右率

漢池水如帶巫山雲似蓋節汨背吳潮潺湲橫楚瀨一望
阻漳水寧思江海會以我徑寸心從君千里外

同前

虞別駕

差池燕始飛羃歷草初輝離人悵東顧遊子去西歸清潮
已駕渚潯露復沾衣一乖當春聚方掩故園扉

同前

王中書

所知共歌吹誰忍別笑歌離軒思黃鳥分渚夢清莎翻情
結遠佈灑淚與煙波春江夜明月還望情如何

同前

蕭記室

執手無還顧別渚有西東荆吳渺何際煙波千里通春篁
方解籜弱柳向低風相思將安寄悵望南飛鴻向一作尚

同前

劉中書

汀洲千里芳朝雲萬里色悠然在天隅之子去安極春潭
無與窺秋臺共誰陟不見一佳人徒望西飛翼

和王長史臥病

岬岫欵崇崔派別朝洪河兔園文雅盛章臺冠蓋多淵襟
眷睿岳燮贊動聒歌碩影慚駢服載筆旅江沱縞衣紛可

獻琴言暖一作已和青臯向還色春潤視生波巖垂變好
鳥松上改陳蘿日與歲眇邈歸恨積一作蹉跎願緝吳山
杜寧袂楚池荷清風豈孤劭功遂懷曾阿勿藥良有暢荏
蕙芳未過幸留清樽味言籍故田莎

臥疾叙意

王秀之

貞悔不少期福極固難豫疾藥雖一途遂以千百慮景仄
念徂齡帶緩每危曙循躬雖一作已茲况復歲將暮層冰
日夜多飛雲密如霧歸鴻互斷絕宿鳥莫能去輟我丘中
瑟良田一嗟故隱淪迹有違宰官功未樹何用攪余情恨
恨此故路豈言勞者歌且曰幽人賦

和沈祭酒行園

清淮左長薄荒徑隱高蓬回潮旦夕上寒渠左右通霜畦
紛綺錯秋町鬱蒙茸環梨縣已紫珠榴折且紅君有棲心
地伊我歡既同何用甘泉側玉樹望青葱

行園

沈約附

寒瓜方臥壟秋菰亦滿陂紫茄紛爛熳綠芋鬱參差初菘
向堪把時韭日離離高梨有繁實何減萬年枝荒渠集野
鴈安用昆明池

和江丞北戍瑯琊城

春城麗白日阿閣跨層樓蒼江忽渺渺驅馬復悠悠京洛
多塵霧淮濟未安流豈不思撫劔惜哉無輕舟夫君良自
勉歲暮勿淹留

北戍瑯琊城

江孝嗣附

驅馬一聯翩日下情不息芳柳似佳人惆悵余何極薄暮
苦羈愁終朝傷旅食丈夫許人世安得顧心臆按劍勿復
言誰能耕與織

和徐都曹出新亭渚

宛洛佳遨遊春色滿皇州結軫青郊路迴瞰蒼江流日華
川上動風光草際浮桃李成蹊徑桑榆蔭道周東都已俶
載言歸望綠疇

昧旦出新亭渚

徐勉附

驅車凌早術山華映初日纜轡且徘徊復值清江謚杳靄
楓樹林參差黃鳥匹氣物宛如斯重以心期逸春堤一遊

衍終朝意殊悉

和劉中書

昔余侍君子歷此遊荆漢山川隔舊賞朋僚多雨散圖南
矯風翮曾非息短翰移疾覲新篇披衣起淵翫惆悵懷昔
踐彷彿得殊觀頽紫共彬駁雲錦相凌亂奔星上未窮驚
雷下將半迴潮漬崩樹輪困軋傾岸巖篠或傍翻石菌蕪
脩幹澄澄明浦媚衍衍清風爛江潭良在目懷賢興累歎
歲暮不我期淹留絕巖畔

入琵琶峽望積布磯呈玄暉

江山信多美此地最爲神以茲峰石麗重在芳柳春照爛
虹蜺雜交錯錦繡陳差池若燕羽崩岑似龍鱗却瞻了非

向前觀復已新翠微上
虧景清莎下拂津巉巖如刻削可望不可親
昔途首遐路未獲究清塵誓將返初服歲暮請為鄰

在郡臥病呈沈尚書

淮揚股肱守高臥猶在茲
况復南山曲何異幽棲時連陰盛農節臺笠聚東菑
高閣常書掩荒堦少諍辭珍簞清夏室輕扇動涼颺
嘉魴聊可薦綠蟻方獨持夏李沉朱實秋藕折輕絲
良辰竟何許夙昔夢佳期坐嘯徒可積為邦歲已暮絃歌終莫取撫枕今自嗤

答謝宣城

沈約附

王喬飛鳧鳥東方金馬門從宦非宦侶避世不避喧
揆余

發皇覽短翮屢飛翻晨趨朝建禮晚沐臥郊園賓至下塵榻
憂來命綠樽昔賢侔時雨今守馥蘭蓀神交疲夢寐路遠隔思存
牽拙謬東汜浮惰反西崑顧循良菲薄何以儷璵璠將隨渤澥去
刷羽泛清源

和何議曹郊遊二首

春心澹容與挾弋步中林朝光映紅萼微風吹好音江垂得清賞
山際果幽尋未嘗遠離別知此愜歸心流沂終靡已嗟行方至今

江臯倦遊客薄暮懷歸者揚舲浮大川惆悵至日下霍靡青莎被潺湲
石溜瀉寄語持笙簧舒憂願自假歸途豈難涉翻同江上夏

和劉西曹望海臺

滄波不可望，望極與天平。往往孤山映，處處春雲生。差池遠鴈沒，颯沓羣鳥驚。囂塵及薄領，棄捨出重城。臨川徒可羨，結網庶時營。

和王中丞聞琴

涼風吹月露，圓景動清陰。蕙風入懷抱，聞君此夜琴。蕭瑟滿林聽，輕鳴嚮潤音。無爲澹客與，蹉跎江海心。

和伏武昌登孫權故城

炎靈遺劔璽，當塗駭龍戰。聖期缺中壤，霸功興寓縣。鵲起登吳山，鳳翔凌楚甸。襟帶窮巖險，帷帶盡謀選。北拒溺驂鑣，西戡一作龍收組練。四一作江海旣無波，俯仰流英眇。裘冕

類禋郊，卜揆崇離殿。鈞臺臨講閱，樊山開廣讌。文物共葳蕤，聲明且葱蒨。三光厭分景，書軌欲同薦。參差一作代世祀，忽寂寞。市朝變舞館，識餘基歌梁。想遺轉一作轉故林，衰木平荒池。秋草徧雄圖，悵若茲茂宰。深遐睠幽客，滯江臯。從賞垂纓弁，清卮阻獻酬。良書限聞見，幸籍芳音多。承風采餘絢，于役倘有期。鄂渚同遊衍。

夏始和劉潺陵

威仰弛蒼郊，龍曜表皇隰。春色卷遙甸，炎光麗近邑。白蘋望已騁，湘荷紛可襲。徒願尺波旋，終憐寸景戢。對窻斜日過，洞幌鮮飈入。浮雲去欲窮，暮鳥飛相及。柔翰續芳塵，清源非易揖。迴江難絕濟，云誰暢佇立。良宰勗夜漁，出入事

朝汲積羽余既裳更賦予盈粒倚梧何必零歸來共棲集
和宋記室省中

落日飛鳥遠憂來不可極竹行一作樹澄遠陰雲霞成異色
懷歸欲乘電瞻言思解翼清揚婉禁居秘此文墨職無歎
阻琴樽相從伊水側

和王著作融八公山

二別阻漢坻雙嶠望河澳茲嶺復巒岈分區奠淮服東隈
瑯琊臺西距孟諸陸阡眠起雜樹檀藥蔭脩竹日隱澗疑
空雲聚岫如複出役眺樓雉遠近送春目戎州昔亂華素
景淪伊穀沾危賴宗袞微宦寄明牧長蛇固能剪奔鯨自
此曝道峻芳塵流業遙年運倏平生仰令圖吁嗟命不淑

浩蕩別親知聯翩戒征軸再遠館娃宮兩去河陽谷風煙
四時犯霜雨朝夜沐春秀良已凋秋場庶能築

和王主簿季哲怨情

掖庭聘絕國長門失歡宴相逢詠蘼蕪辭寵悲團扇花叢
亂數蝶風簾入雙燕徒使春帶賒坐惜紅粧變平生一顧
重宿昔千金賤故人心尚爾故人心不見一作故人心不見

贈王主簿二首

日落窻中坐紅粧好顏色舞衣襞未縫流黃覆不織蜻蛉
草際飛遊蜂花上食一遇長相思願寄連翩翼

清吹要碧玉調玄命綠珠輕歌急綺帶含笑解羅襦餘曲
詎幾許高駕且踟躕徘徊韶景暮惟有洛城隅

同王主簿有所思

佳期未歸望望下鳴機徘徊東陌上月出行人稀

落日同何儀曹煦

參差複殿影氛氲綺羅雜風入天淵池芰荷搖復合遠聽
雀聲聚回望樹陰杳一賞桂尊前寧傷蓬鬢颯

和紀參軍服散得益

金液稱九疇西山歌五色鍊質乃排雲濯景終不測雲英
亦可餌且駐羲和力能令長卿臥暫故遇眞識

新治北窻和何從事

國小暇日多民淳紛務屏闢牖期清曠開簾候風景泱泱
日照溪團團雲去嶺岩堯蘭撩峻駢闐石路整池北樹如

浮竹外山猶影自來彌弦望一作及君臨箕穎清文蔚且

詠微言超一作怡已領不見城壕側思君朝夕頃迴舟方在

辰何以慰延頸

同羈夜集

積念隔炎涼驥言始今夕已對濁樽酒復此故鄉客霜月
始流砌寒蛸早吟隙幸籍京華遊邊城讌良席樵采咸共
同荆莎聊可籍恐君城闕人安能久松柏

謝朓集卷第四終

謝眺集卷第五

雜詩

奉和隨王殿下十六首

玄冬寂脩夜天圍靜且開
亭臯霜氣愴松宇清風來
高琴時以思幽人多感懷
幸籍汾陽想嶺首正徘徊

其二

高秋夜方靜神居肅且深
間階塗廣路涼宇澄月陰
嬋娟影池竹踈蕪散風林淵
情協爽節詠言興德音闡道
空已積千直愧蓬心

其三

愴愴緒風興祁祁族雲布
嚴氣集高軒稠陰結寒樹
日月

謬論思朝夕承清豫徒籍小山文空揖章臺賦

其四

星回夜未艾洞房凝遠情雲陰滿地榭中月懸高城喬木
含風霧行鴈飛且鳴平臺盛文雅西園富羣英芳慶良永
矣君王嗣德聲眷此伊洛詠載懷汾水情願已非麗則恭
惠奉仁明觀淄詠已失慙然愧簪纓

其五

肅景遊清都脩簪待蘭室累榭踈遠風廣庭麗朝日穆穆
神儀靜惜惜道言密一餐繫靈表無吝科年曆

其六

神心遺魏闕中想顧汾陽肅景懷辰豫捐玦翦山楊時惟

清夏始雲景曖含芳月陰洞野色日華麗池光草合亭臯
遠霞生川路長端坐聞鶴引靜瑟愴復傷懷哉泉石思歌
詠鬱瓊相塘春多迭駕言從伊與商衮職眷英覽獨善伊
何忘願輟東都遠弘道侍云梁

其七

清房洞已靜閒風伊夜來雲生樹陰遠軒廣月容開宴私
移燭飲遊賞籍琴臺風猷冠淄鄴衽烏愧唐牧

其八

方池含積水明月流皎鏡規荷承日沚影鱗與風泳上善
叶淵心止川測動性幸是芳春來側點游濠盛

其九

浮雲西北起飛來下高堂合散輕帷表飄舞桂臺陽遙階
收委羽平地如夜光眷言金玉照顧慚蘭蕙芳

其十

睿心重離折岐路清江隈四面寒飈舉千里白雲來川長
別管思地迥翻旗回還顧照陽闕超遠章華臺置酒巫山
日爲君停玉杯

十一

桂樓飛絕限超遠向江岐輕雲霽廣甸微風散清漪連連
絕鴈舉渺渺青煙移嚴城亂芸草霜塘凋素枝氣爽深遙
矚豫永聊停曦即一作已終可悅盈思且若斯

十二

炎光缺風雅宗霸拯時淪龍德待雲霧令圖方再展歲遠
荒城思霜華宿草陳英威遽如是徘徊岐路人

十三

念深冲照廣業闡清化玄端儀穆金殿教藻瓊筵船湛
輕帷藹磬轉芳風旋卷轡棲道樹方津棹法舫歸興憑大
造昭塗良易筮

十四

分悲玉瑟斷別緒金樽傾風入芳帷散缸華蘭殿明想折
中園草共知千里情行雲故鄉色贈子一離聲

十五

年華豫已滌夜艾賞方融新萍時合水弱草未勝風閨幽

詩集
卷之五
三
瑟易嚮臺迴月難中春物廣餘照蘭萱佩未窮

十六

漣漪映餘雪巖城限深霧清寒起洞門東風急池樹神居
望已肅徘徊舉冲趣棲歸如歸詠丘山不可屢

詠風

徘徊發紅萼歲蕤動綠苑垂楊低復舉新萍合且離步檐
行袖靡當戶思襟披高響飄歌吹相思子未知時拂孤鸞
鏡星鬢視參差

詠竹

前窻一叢竹青翠獨言竒南條交北葉新筍雜故枝月光
踈已密風來起復垂青扈飛不礙黃口得相窺但恨從風

籜根株長別離

詠薔薇

低枝詎勝葉輕香幸自通發萼初攢紫餘采尚霏紅新花
對白日故藥逐行風參差不俱曜誰肯盼薇叢

詠蒲

離離水上蒲結水散爲珠間厠秋菡萏出入春鳧雛初萌
實雕俎暮菜雜椒塗所悲堂上曲遂鑠黃金軀

詠兔絲

輕絲旣難理細縷竟無織爛熳已萬條連綿復一色安根
不可知縈心終不測所貴能卷舒伊用蓬生直

詠落梅

新葉初冉冉初葉新菲菲逢君後園燕相隨巧笑歸親勞
君玉指摘以贈南威用持挿雲髻翡翠比光輝日暮長零
落君恩不可追

遊東堂詠桐

孤桐北窗外高枝百尺餘葉生既婀娜葉落更扶踈無華
復無實何以贈離居裁為主與瑞足可命參墟

詠牆北梔子

有美當階樹霜露未能移金蕢發朱采映日以離離幸賴
夕陽下餘景及西枝還思照綠水君階無曲池餘榮未能
已晚實猶見竒復留傾筐德君恩信未貲

同詠樂器

琴

洞庭風雨榦龍門生死枝雕刻紛布濩冲響鬱清卮一作危
春風搖蕙一作綺草秋月滿華池是時操別鶴淫淫客淚垂

琵琶

抱月如可明懷風殊復清絲中傳意緒花裏寄春情掩抑
有奇態淒鏘多好聲芳袖幸時拂龍門空自生

箎

江南簫管地妙響發孫枝殷勤寄玉指含情舉復垂雕梁
再三繞輕塵四五移曲中有深意丹誠君詎知

同詠坐上器玩

烏皮隱几

蟠木生附枝刻削豈無施取則龍文鼎三趾獻光儀勿言
素韋潔白沙尚推移曲躬奉微用聊承終宴疲

竹檳榔盤

稍風有勁質柔用道非一平織方以文穹成圓且密薦羞
雖百品所貴浮天實幸承歡醕餘寧辭嘉宴畢

同詠坐上所見一物

席

本生朝夕池落景照參差汀洲蔽杜若幽渚奪江籬遇君
時采擷玉座奉金卮但願羅衣拂無使素塵彌

同前

照日汀洲際搖風綠潭側雖無獨璽絲幸有青袍色羅袖

少輕塵象牀多麗飾願君蘭夜飲佳人時宴息

幔

幸得與珠綴累歷君之楹月映不辭卷風來輒自輕每聚
金爐氣時駐玉琴聲但願致樽酒蘭缸當夜明

簾

青軒明月時紫殿秋風日曛曛引光輝曖曖映容質清露
依檐垂蛸絲當戶密塞開誰共臨掩晦獨如失

詠竹火籠

庭雪亂如花井水粲成玉因炎入貂袖懷溫奉芳褥體密
用宜通文邪性非曲本自江南墟媿娟脩且綠暫承君玉
指請謝陽春旭

同前

結根終南下防露復披雲雖爲九華扇聊可滌炎氛安能
偶狐白鶴卵織成文覆持鴛鴦被百和吐氛氲忽爲織手
用歲暮侍一作羅裙

詠鏡臺

玲瓏類丹檻茗亭似玄闕對鳳懸清冰垂龍挂明月照粉
拂紅粧插花理雲髮玉顏徒自見常畏君情歇

詠燈

發翠斜溪裏蓄寶宕山峰抽莖類僊掌街光似燭龍飛蛾
再三繞輕花四五重孤對相思夕空照舞衣縫

詠燭

杏梁賓未散桂宮明欲沉暖色輕帷裏低光照寶琴徘徊
雲髻影的樂綺疏金恨君秋月夜遺我洞房陰

詠邯鄲故才人嫁爲厮養卒婦

生平宮閣裏出入侍丹墀開笥方羅縠窺鏡比蛾眉初別
意未解去久日生悲憔悴不自識嬌羞餘故姿夢中忽彷彿
猶言承燕私

詠鷓鴣

蕙草含初芳瑤池暖晚色得廁鴻鸞影晞光弄羽翼

聯句

阻雪

積雪皓陰池北風鳴細枝九達密如繡何爲遠別離風庭

舞流霰冰沼結文澌飲春離以燠欽覽紛若馳江秀珠囊
條間馨玉留檐下垂杯酒不相接寸心良共知王丞融飛雲
亂無緒結冰明曲池雖乖促席讌白首信勿虧謝先飄
素瑩簷溜巖結噎通岐樽壘如未澣况乃限音儀劉中原
隰望徒倚松筠竟不移隱憂而萱樹忘懷待山巵書繪初
昕逸翮舉日吳駑馬疲幽山有桂樹歲暮方參差沈右

還塗臨渚

綠水纈清波青山繡芳質落景皎晚陰殘花綺餘日何從
白沙澹無際青山眇如一傷此物運移惆悵望還律吳白
水田外明孤嶺一作松上出即趣佳可淹淹留非下秩
和遙

紀功曹中園

蘭亭仰遠風芳林接雲萼傾葉順清飈脩莖佇高鶴何從
連綿夕雲歸暎曖日將落寸陰不可留蘭墀豈停酌吳丹
纓猶照樹綠筠方解籜永志能兩忘即賞謝丘壑府

閒坐

雨洗花葉鮮泉漫芳塘溢籍此閒賦詩聊用蕩羈疾陳霖
霏微雨散歲蕤蕙草密預籍芳筵賞沾生信昭悉紀功紫
葵窗外舒青荷池上出既闔賴川扇且臥淮南秩府流風
蕩晚陰行雲掩朝日念此蘭蕙客徒有芳菲質何從

侍筵西堂落日望鄉

沉病已綿緒一作負官別鄉憂高城淒夕吹時見國煙浮

曹丞 漠漠輕雲晚颯颯高樹秋鄉山不可望蘭卮且獻酬府君
旻高識氣迥泉停知潦收幸遇慶筵一作渥方且將一作沐
恩猷功曹紀宴芸黃先露早騷瑟一作驚暮秋舊城望已肅況
乃客悠悠何從事

祀敬亭山春雨

水府衆靈出石室寶圖開白雲帝鄉下行雨巫山來府君歌
風讚靈德舞蹈起輕埃高軒乍留吹玄羽或徘徊何從事福
降羣僊下識逸百神該青鳥飛層隙赤鯉泳瀾隈齊舉郎

往敬亭路中

山中芳杜綠江南蓮葉紫芳年不共遊淹留空若是府君淶
水豐漣漪青山多繡綺新條日向抽落花紛已委何從事弱

夔旣青翠輕莎方霍霍鷲鳴沒而遊麇麇騰復倚齊舉郎春
岸望沉沉清流見瀰瀰幸籍人外遊盤桓未能徙陳郎鶩柁
把瓊芳隨山訪靈詭榮楯每嶙峋林堂多碣礪府君

謝朓集卷第五終

宣城集者集宣城守謝朓作也謝之作盛于當時及于後世竊疑近時罕刻本以傳之丙申冬秋卿于曹峰有事是地出是集以授予覽乃刻自武功喜欲新之而宣庠貢生遂呈抄本以校夫集以宣城名其刻于宣城宜也顧乃刻于武功者亦足以見愛慕人心之所同宜刻于宣城而宣城久無傳者豈其秘錄私藏珍重獨得也耶於是付諸梓期與宣城並傳不朽噫謝公芳聲流布迄今耿耿不磨其所以傳之者恐不待托于物但因托之物者或可以爲所傳之證也其於所以傳之者未必無助嘉靖丁酉秋北園任

警菴黎晨跋





